

**DISQUISITIO  
MATHEMATICA DE  
CALENDARIO  
GREGORIANO, OB  
JUSTAS CAUSAS A...**

---

Christoph Nottnagel, Heinrich  
Engenhagen, Valenti Gonzaga

THE

CALEDONIAN

OF

THE

CALEDONIAN

OF

THE

CALEDONIAN

OF

THE

CALEDONIAN

OF

THE

CALEDONIAN

OF

THE

CALEDONIAN

OF

THE

CALEDONIAN

OF

THE

CALEDONIAN

OF

THE

CALEDONIAN

OF

## Prooemium.



*Antiquitatis monumenta* (vid. Christ. Clav. in Proleg. comment. in element. Eucli. g. 4. fac. b.) testantur, Magnum illum Philosophum sac. A. cademia fores hac sententia ornaſſe:

Ἀγεωμέτρητος οὐδεὶς εἰσὶναι.

Nemo imperitus Geometrix intret.

Quo sane eloquio honestissimo Vir ille summus Geometriae utilitatem in excolendis, & perpoliendis ingeniis nobis voluit ante oculos ponere. Quod, ut de Geometria verum est, ita & de ceteris Matheseos partibus summo jure poterit pronuntiari. Nam tanta harum, non solum in disciplinis ceteris Philosophicis, verum etiam in ipsis superioribus Facultatibus, Medicina, Jurisprudencia, & imprimis Theologia (vid. Ludov. de Diev. in method. Theol. Hortens. in orat. de dignitate & utilitate Mathes. Clav. d. l. p. G. 4.) sese ostendit utilitas, ut merito esse Platone absq. illis viles esse videantur. Quo circa opera pretium esse arbitror, unam atque alteram controversiam ex Matheseos partibus examinare: Verum, cum magna sit harum copia unicam illam praecipue controversiam de CALENDARIO Gregoriano à Politicis, ac Mathematicis satis excussam, breviter pro ingenij tenuitate considerabimus.

### APHORISMUS I.

Calendarium Romanum à variis variis sæpè commendationes sustinuit.

Quid sit Calendarium multis exponere vix opus est, cum fermè in omnium manibus Calendaria reperiantur. Descendit hæc vox à Calendis, quæ sunt primi dies mensium, ut calendar February. Martij &c. ac à verbo *καλέω* voco originem sumunt: siquidem primo mensium die populus convocabatur, & quæ feriæ toto mense essent futuræ, quidque in religione peragendum, significabatur, uti ex plurimis Autoribus Varone, Gyrardo, & Macrobio deducit Clarissimus *Herlicius* In gründlicher Widerlegung vnd refutation des neuen Våpsti-schen Calenders p. 5. Aliàs vocatur Almanach vocabulo Arabico, ab Ebræa voce *מנחם* numeravit. Vid. Origan. in Ephemerid. Part. 1. p. 1. Ut autem omnes fermè Populi singularem anni formam, ita & singularem tempora disponendi rationem sibi elegerunt, quæ ut Romanorum procul dubio à doctis viris indies magis magisque correctæ, aucta, & emendata fuit: ita ut longum foret hæc omnia ordine recensere. Igitur solum Calendarium Romanum quod attinet, multas omni seculo habuit emendationes. § 2.

Nam primum Romanum Calendarium dictum fuit Romulinum, à Romulo constitutum, constans diebus 300 seu mensibus 10, quorum singulus 30 dies habebat, ut ex divisione patet: Nam si 300 per 30 dividantur nihil remanebit. Additi sunt tamen deinde dies 4. ita ut totius anni summa continebat dies 304. De quo ita Clariss. Herlicius d. L. p. 15. ait: Romulus der erste König zu Rom / von dem die Stadt Rom erbauet ist / hat ein andere Jahrordnung angeordnet / vnd das Jahr angefangen vom æquinoctio Verno, wann Tag vnd Nacht gleich sein / die 12. menses Lunaris hatt er ab-geschaffet / vnd 10 Civiles angeordnet / darunter Martius der erste genant: & paulo post, vnd hat sich an den Schalt Jahr nichts getheeret / damit solch sein Jahr mit dem Egyptischen ein gewisse proportion vnd abtheilung hette / 300. Tage waren im Jahr / ein jeglicher Monat hat 30 Tage / hernacher haben die alten Römer noch 4. Tag darzu gerhan.

Succellit huic Calendario Pompilianum Numæ à Rege Romanorum Numa elaboratum, qui has Romulini Calendarij incommoditates videns, duos adhuc menses addidit; Ianuarium scilicet & Februarium, ita ut totus annus constaret mensibus 12. Diebus verò 354, additis videlicet priori Calendario 50 diebus, ita ut integer esset annus lunaris, de qua Numæ Pompilij correctione ita Ovidius l. 1. Fastor. scribit:

*At Numa nec Janum nec avitas præterit umbras,  
mensibus antiquis addidis ille duos.*

Et Titus Livius Dec. 1. lib. 1. *Omnia*, inquit, *primus ad cursum luna in 12 menses describit annum.* Additæ sunt deinde aliæ duæ correctiones: Prima ipsius Numæ, altera Decemvirorum: Verùm cum hæ non tam celebres sint, nihil amplius de ijs dicemus, videat. *Gigas in Cosm. cap. 14. probl. 2. p. m. 97.*

Cum igitur Numa annum lunarem, solari posthabito, instituerit, non potuerunt non sequi varia incommoda, atque gravissima, quæ inde magis magisque creverunt, donec tandem aliquando Administrator Romanæ Reipublicæ constitutus fuerit Julius Cæsar, non Martis solum, sed & Minervæ discipulus, qui devictis fortissimis hostibus, pacemque quodammodo restituta, commotus temporum inverso ordine (videbat n. nec æquinoctia, nec solstitia justo loco esse posita, Festa quoque plurima incommodo tempore celebrari) ad hanc curam animum suum adjunxit. Nam convocatis Clarissimis tunc temporis Mathematicis, imprimis Sosigene, & Juba, cum iis de tempore reformando consilium inijt, & quia anni lunaris incommoditas omnium oculis observabatur, solarem anni formam instituit: cujus quantitas erat 365 dierni & 6. horarum, quæ singulis quatuor annis collectæ, viginti quatuor horas, id est, unum diem conficiunt, dictum intercalarem germanis  *Schaltjahr* vel



*Schalsahr* (videat. *Reckermann*. in *Astro*. p. 189.) Verùm Julio Cæsare immatura morte prærepto, autores, quibus cura temporis imposita erat, hanc intercalandi rationem quamvis facilem neglexerunt, & ubi anno quarto completo, seu quinto currente, unus dies esset interferendus, illi anno 4. currente unum diem interposuere; ita ut nec hoc Julianum Calendarium ob errore omni immune fuerit, sed negligentia illorum, quibus cura temporum incumberebat, majora vitia contraxerit: quod dùm Augustus anno regiminis 35 senserit, 12 dies esse intercalatos, ubi tamen tantũ novem, essent interjiciendi (quod patet ex divisione nam si 36 anni per 4 dividantur non 12 sed 9 dies proveniunt) hoc vitium sedulo correxit: Pro quo Augusti beneficio mensis à Martio Sextilis in honorem Augusti Augustus appellatus, sicut à Martio Quintilis, in honorem Julij Julius nominatus. Hæc igitur anni forma per plurima secula permansit, donec etiam ob justo majorem anni quantitatē positam, temporis longævitate sua vitia rursus absorpsit.

§. 5.

Rebus igitur sic stantibus, omni tempore DEUS talia ingenia excitavit, quæ hanc provinciam de emendatione temporum non detrectarunt. Nam anno Christi 1415. Concilium celebratum est Cōstantiæ, regnante Sigismundo Imperatore, & Johanne Pontifice Romano XXIV. vel XXIII. ubi graviter hæc quæstio fuit agitata, tum à plurimis aliis, tum præcipue à Petro de Aliaco. Rursus 1439. Romano Pontifice Eugenio IV. in Concilio Basiliensi eodē modo acriter de hac materia disputatum, & nisi discordia Episcoporum in modo corrigendi intervenisset, res felicem exitum attigisset. Deinceps 1476. à Pontifice Sixto IV. hoc munus assumptum, & nisi Nobilissimus Mathematicus Regiomontanus expirasset, ad finem forsân fuisset perductum. Iterum Maximilianus Imperator anno 1516. priorum vestigia secutus, missis ad plurimas Germaniæ Academiis literis à viris doctis judicium exploravit. Verùm res in eo statu, in quo fuit, permansit.

§. 6. Ac-

Accedimus ad Concilium Tridentinum, ubi iterum hæc eura, sed absque felici successu, suscepta. Tandem igitur Gregorio XIII Romano Pontifice nova illa forma, de qua jam potissimum agimus, introducta: Anno 1582. indictione 10, die Jovis, prima mensis Martij, Pontificatus verò Gregorij XIII. anno 10, autore Aloysio Lilio, ut pater ex Diplomate Pontificis Vid. Steph. de jurisdictione lib. 3. part. 1. cap. 3:

Causas mutati Calendarij ipse Pontifex in Diplomate jam citato exponit, & Calvisius in Elencho Calendarij Gregoriani c. 3. duas potissimum ex illo causas proponit. *Prima, quod æquinoctiū in anteriores dies promotum fuisset*: an verò propter hanc æquinoctij anticipationem dies decem ex Calendario ejiciendi, meritò cum jam citato Calvisio aliis judicandū relinquere. *Secunda erant termini paschales sede sua moti*: an verò per hanc Calendarij reformationem (deformationem dico?) Pascha cum omnibus terminis à Concilio Nicæno propositis conveniat, meritò negatur. Formam hujus Calendarij alij plurimis verbis descripserunt: breviter sic dicimus. 1. 10 dies ex Mense Octobri à quarto ad decimum: quintum esse abjectos, ita ut cum numerandus esset dies 5 Octobris, numeratus fuerit 15. 2. Quatuor seculis 3. dies rejectos. 3. Novas Epactas positas. Et hæc de varia emendatione Calendarij Romani sufficiant, progredimur: igitur ulterius, & quid de hac Gregorij Calendarij correctione judicandum sit exponemus.

## APHORISMUS II.

Calendarium Gregorianum seu Lillianum ob justas causas Mathematicas à Statibus Protestantium Rom. Imp. repudiatum.

*Ex hinc §. 1.*

Si hujus Aphorismi probationes omnes in medium essent proferendi, quantum excresceret hæc probatio! ita ut non tantum disputatio, sed totum systema esset conscribendum;

dum; Brevibus igitur nos absolvemus, & accuratiora doctorem Virorum contra hoc Calendarium scripta in fine hujus Aphorismi annotabimus. Non possum autem hic silentio præterire illam contradictionem Papisticam, quæ de hujus Calendarij perfectione occurrit. Nam Gregorius XIII. in Diplomate suo satis hisce prægnantibus verbis hoc suum Calendarium describit: Allatus, inquit, est nobis liber à dilecto Filio Antonio Lilio artium & Medicinæ Doctore, quem quondam Aloysius ejus germanus frater conscripserat, in quo per novum quendam Epactarum Cyclum ab eo excogitatum, & ad certam ipsius aurei numeri normam directum, atque ad quamcunque anni solaris magnitudinem accommodatum. OMNIA QUÆ IN CALENDARIO COLLAPSA SUNT CONSTANTI RATIONE, ET SECULIS OMNIBUS DURATURA SIC RESTITUI POSSE OSTENDIT, UT CALENDARIUM IPSUM NULLI UNQUAM MUTATIONI IN POSTERUM EXPOSITUM ESSE VIDEATUR. Hactenus Pontifex.

§. 2.

Nos verò sic argumentamur:

*Quicumque ipsi agnoscunt multos esse in hoc Calendario errores, illi non perfectum, & nullis mutationibus obnoxium Calendarium proponunt:*

*Sed Pontificij ipsi agnoscunt multos esse in hoc Calendario errores. Ergo non perfectum & nullis mutationibus obnoxium Calendarium proponunt.*

Majorem sic probamus, quia perfectum est illud, cui nihil deeſt ad suam, quæ ei debeat integritatem. (videatur Scharſius in Theol. Transcend. disp. 18. pag. 959.) Jam vero Calendarium hoc non est tale. Ergo. Minorem confirmamus testimonijs ipsorum Pontificiorum: (1) Ipsius *Johannis Maria de Tbolofani*, qui libro de emendatione Calendarij ad concilium Tridentinum scripto cap. 3. sic ait: modus ille difficilis est, & gignit perturbationem magnam & dissidium in Ecclesia. 2. *Johannis Antonij Magini*, qui faretur Gregorij Pontificis



tificis correctores anno 1598 in Paschate celebrando errasse.  
 3. *Johann. Rafeb Viennensis* aperte pronunciantis, in libro, quem  
 de hac materia 1586 publicæ luci commisit, Epactas non esse  
 legitimas, sed sæpe errasse. 4. *D. Doctoris Johannis Latsæ* hanc  
 ipsam correctionem Gregorianam contra Clavium refutan-  
 tis: Et quid opus est, plura adducere testimonia, ipse, qui se  
 primarium Autorem vocat, *Clavius in defensione* Antonij Pos-  
 sevini contra Mæstlinum sic ait: *Si Calendarium Gregoria-  
 num denovo oppugnare via satq; evertere, demonstrandum tibi erit,  
 in eo alios errores præter 4 reperiri: &* Herlicius p. 86. ex eo  
 adducit hoc testimonium. *Cyclum lunarem esse imperfectum,  
 ac ideo Pascha interdum luna 14. celebrari ab Ecclesia, & alio in  
 loco, æquationem anni Solaris non firmam esse factam, confi-  
 setur.* Cum igitur ipsos Pontificios hujus Calendarij imper-  
 fectionis confessores habeamus, quid opus est pluribus, attam-  
 en ex abundantia quasdam rationes Mathematicas produ-  
 cemus.

§. 3.

Sit igitur Argumentum 1.

*Quodcumq; Calendarium ex tabulis motui cælesti exacte  
 non respondentibus compositum est, illud Calendarium  
 merito rejicitur.*

*Sed Calendarium Gregorianum est tale. Ergo.*

Majoris consequentia firma: nam si fundamentum su-  
 per quod ædificium extruitur labile est, quid de ipso ædificio  
 dicemus?

Minorem (videlicet *Calendarium Gregorianum ex tabu-  
 lis motui cælesti exacte non respondentibus compositum esse,*) sic  
 confirmat *Tobias Møllerus* in der gründlichen Wiederlegung des  
 Newen Andersan alle Porencarten des heiligen Römiſchen  
 Reichs: *Es ist aber nunmehr hierauff zu erst diese ihre ober-  
 schietzte restitution, deshalb un gegründet / vnträflich / vnd  
 darzu gangschädlich / das die Canones motuum, darinnen gang  
 nicht betrachet / vnd dennoch weder neue constituirte tabulas  
 Astronomicas, noch neue corrigirte Ephemerides dargelegt / oder*

guberni fuersehen vbergeben. Sic & Maslinus in alio exa-  
mine huius Calendarij pag. 4. ait: Hic mox omnium primo  
quaritur, ex quibus tabulis astronomicis novi Calendarij reforma-  
tio prodierit? Ipse enim sola sunt fundamentum ejus. At eas ipsas  
oportet perfectissimas esse, & cum cælo exquisitissimè congruentes,  
quandoquidem ex iis confectum est CALENDARIUM PER-  
PETUUM, AC OMNIBUS SECULIS duraturum, ut Pon-  
tifex ait. Ad hoc respondeo: Autorem usum fuisse Tabulis Pru-  
reniciæ, (quod hinc inde fatetur) Nam ipsum nullas novas motuum  
tabulas, ex recentissimis propriis observationibus fideliter extru-  
ctas, quibus veterum tabularum imperfectio resciretur, ad ma-  
nus habuisse, evidentissimè tam suo, quam aliorum alto silentio  
demonstratur. Idem consentiunt Herlicius & Calvisius.

§ 4.

Secunda ratio hæc est, quod dies 10 illegitimè ex Ca-  
lendarij exempti sint: idque sic demonstro, leges huius Ca-  
lendarij requirunt, ut spatio 400 annorum 3. dies negligan-  
tur. Qua lege præsupposita sic arguuntur:

*Si singula quatuor secula tantum 3 dies sunt eximendi, se-  
quitur spatio 12 seculorum non decem, sed novem esse  
eximendos. Sed singula quatuor secula ex confes-  
sione pontificiorum &c. Ergo.*

Majoris consequentia consistit in illa regula proportionum,  
ut se habent 4 ad 12. sic 3 ad 9. vel dilucidius cum Calvisio sic  
propono: Fac Calendarij huius formam statim à Concilio Ni-  
cano attributam fuisse, quod celebratum est anno 325. tunc in an-  
no 400 dies non fuisset exemptus. Ergo 500. 1. dies. 600 2 dies  
700 3. d. 800. 0. d. 900. 4. d. 1000. 5. d. 1100. 6. d. 1200. 0. d.  
1300. 7. d. 1400. 8. d. 1500. 9. 1600. 0. ut ex tabella subiecta  
appareat.

Anno						
Christi	400	500	600	700	800	900
Dies Excep.	0	1	2	3	0	4

1000	1100	1200	1300	1400	1500	1600
5	6	0	7	8	9	0

Hocce.

Hocceinegitur Calendarium quis perfectum arbitrabitur, quod in antecedentia tempora deduci non potest.

S. 3.

*Tertia ratio* hæc est, quod in hoc Calendario detur intricata ratio inveniendi Literam Dominicalem. Quid sit Litera Dominicalis alias notum est, jam de modo inveniendi hic quæritur. Si juxta Calendarium Julianum esset procedendum, litera dominicalis faciliè reperiri posset, hoc videlicet modo, requiritur enim tantum cognitio quantitatis Cycli Solaris, (*Cyclus autem Solaris nihil aliud est, quam periodica resolutio 28 annorum, quibus omnium literarum Dominicalium varietas absolvitur*) quæ hoc modo invenitur. Primò addatur anno à Christi nativitate novenarius: Secundò summa collecta, per integrum Cyclum, id est, 28 annos dividatur, residuum indicabit numerum Cycli, quo cognito ex tabella adjecta, faciliè Litera Dominicalis invenitur. Exempli gratia, si quis scire vellet anno 1611 quæ fuisset Litera Dominicalis, ille quærat Cyclum Solarem hoc modo, annis videlicet 1611. addat 9. & fient 1620, hunc numerum, dividat per 28 & residuum erit 24.

$$\begin{array}{r}
 2 \\
 28 \\
 \hline
 624 \\
 2620 \quad (57 \\
 \hline
 288 \\
 \hline
 2
 \end{array}$$

Cum hoc numero ingredere sequentem tabellam, & invenes Literam Dominicalem F.

<i>Num. Cy.</i>	1	2	3	4	5	6	7	8	9	10	11	12	13	14
<i>ali sol:</i>														
<i>Lit. Dom.</i>	G				B			D				F		
	F	E	D	C	A	G	F	E	C	B	A	G	E	D
<i>Num. Cy.</i>	15	16	17	18	19	20	21	22	23	24	25	26	27	28
<i>ali sol:</i>			A				C				E			
<i>Lit. Dom.</i>	C	B	G	F	E	D	B	A	G	F	D	C	B	A

Videt igitur quilibet, hanc rationem invenienti literam Dominicalem esse facilissimam. Contra in Calendario Gregoriano longe difficilior ratio est: nam licet ibi retineatur Cycclus Solaris, tamē una tabella, ex qua litera dominicalis desumitur retineri non potest, sed singulis centurijs novas literas dominicales excogitarunt, in quibus explicandis, & describendis ipse Clavius multum temporis & chartæ consumpsit. Sed nostrum non est ea latius explicare. Videatur Calvinus p. G.

§. 6.

*Quarta ratio hac est*, quod æquinoctium numerent, non juxta motum verum, sed juxta modum medium, de quo ratio quid sentiendum sit, Mastlinus pag. 16. his verbis explicat: Non minus ridiculum est, quod Calendarii hujus auctores, quos Mathematicos esse convenit, motum seu anticipationem æquinoctij Veri, non aliter, quam ut motum medium computant. Hoc ergo cum Auctores Calendarii non perpenderit, prostituunt se egregie deridendos, quod in ijs hallucinantur, quæ cuivis ex Astronomiæ tyronibus nota esse, convenit. Non dicam jam quod AEquinoctium sit illegitimè ad 21. diem Martij reductum, cum tempore Concilij Nicæni (quod tamen sequuntur) 20. die fuerit. Non dicam quod correctio à tempore Synodi Nicænæ sumpta, ubi tamen à Christi Nativitate inchoanda fuisset.

§. 7.

*Quinta ratio hac est*, quod in Paschate celebrando sæpissimè erret, & in regulas Concilij Nicæni de Paschate celebrando sæpissimè incurrat. Notum enim est, eos sæpe celebrasse Pascha cum Hæreticis Quarta decimanis, imò cum ipsis Judæis ut anni 1609. 1622. & in alijs annis quamplurimis, ut deducit Calvinus cap. 19. *Es quis potest omnia vicia desegere, quæ hic occurrunt. consulatur Herlicius, Calvinus, Mastlinus, Mollerus, Abrahamus Rothenbach in expositione Calendarii Gregoriani, Clariss. Erasmus Schmidt Præceptor meus honorandus in Orat. one 1629. hic publicè de hac materia habet, Buntingus in Thesibus suis de Anni Juliani elegantiâ, & Calendarii Gregoriani inconvenientiâ, quæ citantur ab Herlicio, in sapientissimo Tractatu pag. 81.*



### APHORISMUS III.

Calendarium Gregorianum seu Lilianum ob justas causas politicas à Statibus Protestantium Romani Imperij fuit repudiatum.

ἐκθεσις §. 1.

Plurimas possem adducere causas & rationes recusati Calendarij Gregoriani, sed paucas tantum proferam: Prima causa est PERSONÆ CONSTITUENTIS INHABILITAS. Quisnam sit autor Calendarij hujus notum, videlicet Pontifex Romanus magnus ille Antichristus, qui eam sibi arrogat potestatem, quam nec jure divino, nec jure humano solidè confirmare potest, illis titulis vult decorari qui nulli in his terris mortalium competunt. Nam in Concilio Romano acclamarunt Julio Papæ: *Tu es omnia, & supra omnia, omnia potestas tibi data est in celo & in terra. & alius de Papa sic scribit: Papa attributa est omnis potestas in regno Christi, Papa Rex Regum, & Princeps omnium. videatur Ximling. de Regim. Secul. & Eccles. Lib. 1. Clafs. 2. cap. 3. Meissner. in disp. de Regim. Ecclesiasti. Schol. Acad. p. 263. 264. Willetus contr. quarta de Pontifice Romano à pag. 140. ad 159 & alij.* Cum igitur Calendarium hoc ab eo constitutum sit, qui quidem magnam potestatem sibi vendicat, sed jure hanc de tempore corrigendo absque cæterorum Imp. membrorum consensu non habet, merito & Status Imperij Calend. accipere recusarunt. Cognovit hoc Landgravius Hassæ dum in Epistola quadam ad Palat. & Sax. Electores sic scribit. *Dann das man solte dem Bapst die Mache wiedergeben / seines gesallens die Feste in Ecclesia zu verendern / were viel / vnd demnach wol zu caviren, das man sich nicht per directum aut indirectum / weil dis Verck ex mandato Papæ herksufft / der Bapstlichen Gewalt durch wiederumb subjciren / zu dem auch authoritas Imperij alle wohl hierunter in acht zu haben.* Hinc August. *Septemvir in Augustanis comitiis referente Thuan.* lib. 76. p. 122. col. 2. lit. (a) (b) de promulgatione hujus Calendarij.



darij ita loquitur: in hoc negotio Caesaris, & Sacri Imperij autoritatem & existimationem verti, quam cum indices Pontifex dolis ac machinis convellere nitatur, non committendum esse, ut ipsi rem ad ejus dignitatem atq; adeo majestatem tantopere pertinentem neglexisse videantur Et paulo post. Cavendum igitur, ne Calendarij, quod correctione indigere minimè inficias eat, emendandi prætenu novam & inusitatam Pontifici in Imperij majestatem, ac Caesarem ipsum, jurisdictionem & mandandi potestatem, tribuant, praesertim, cum in consilio Caesare, & non requisito Imperij principum & ordinum consensu, res tanta à Pontifice suscepta sit.

§. 2.

Secunda causa fuit MODUS PROMULGANDI ILLEGITIMUS: ut enim ea quæ ad plures spectant, plurimorum consensum requirunt; ita & hoc Calendarium. Cum consensu totius Imperij proponendum fuisset. Verùm cum hoc non factum sit, rectè fecerunt Protestantes, dum id tanquam illegitimo modo promulgatum detrectarunt. Quod verò hoc opus cum consensu membrorum Romani Imperij non aggressum fuerit, probò, tum ex testimonio Augusti Electoris Saxoniz, qui referente Thuanò loco citato, ita loquitur: Praesertim cum in consilio Caesare & non requisito Imperij principum, & ordinum consensu res tanta à Pontifice suscepta sit, tum ex Epistola quadam Doct. Gail/citante Remling/ita loquentis: Wenn man eine durchausgehende gleichheit allenthalben im Reich anrichten wolte / musz solches mit verweisen vnd vertiligung der Kayser: Majestät vnd Stät: e geschehen/indeq; in Camera conclusum, das der alte Calendar in auführung der processen soll gebraucht werden. Huc etià alludere videtur Clariss. Schmidt Praceptor meus honorandus in sua sæpius allegata Oratione ita dicens: Deterruit eos modus promulgandi, Pontifex enim hanc emendationis rationem non expendendam prius, & deliberandam Statibus Imperij omnibus, imò ne principum quidem proposuit, sed statim ad comitia & quidem jam ex-uncia, digressus jam Protestantium pleriq;, per Cardinalem Madrasium Episcopum Tridentinum, Augustam Vindelicorum ipsi Impe-

*Imperatori Rudolpho II. per mandatum servandum, & aliis injungendum praecepit. Nec curamus hic Clavium, qui in libris suis de Calendario hinc inde protestatur, consultis per literas totius orbis Christianis principibus rem susceptam, & à plurimis & praecipuis Principibus magno applausu approbatam, sed respondem. cum Herlino p. 119. Er nenne mir die Universiteten in Deutschland/ Er nenne mir die stärckhsten Theologos vnd Mathematicos in Deutschland/ mit welchen der Babst hievon communicirt vnd conferirt habe & pag. 120. Ob er Belschland/ Frankreich/ Spanien / allein so tituliret (totius orbis Christianos Principes) kan ich nicht wissen/ das Deutsche Reich gehöret ja auch dazu/ &c.*

*§. 2.*

*Præterea Pontifex etiam in eo erravit, dum q. pro autoritate Sedibus Imperij imperat & mandat, ut recipiant, imò refractariis indignationem omnipotentis Dei, & beatorum Petri & Pauli Apostolorum minatur. patet hoc ex ipso Diplomate Pontificio ex plurimis locis § tollimus ita ait: Volumus, ut omnes Ecclesiarum Praesides novum Calendarium introducant, & eo solo utantur, & deinceps, pro data nobis à Domino autoritate mandamus Statibus imperij, ut nostrum hoc Calendarium ipsi suscipiant, & à cunctis sibi subiectis populis religiosè suscipiendum, inviolatèq; observandum curent, & in singulis nulli hominum liceat a se, hanc poenam nostram infringere vel ei ausu temerario contraire. Huc spectat judicium illud Doctoris Oslandi in Bedencken von dem Babilischen Kalender pag. 42. Dieser Gregorianischer Kalender kömpt nicht von Römischen Keyser vnd Ständen des Reichs her / sondern er kömpt her vom Babst / der hat ihn vnter seinen Nahmen publiciret, vnd wil ihn der Christenheit aufdringen. & deinceps: Darumb wann wir gleich sonsten diesen Kalender vor gut hielten/ jedoch wann uns ihn der Babst aufdringen wil, sollen wir ihn hinwerffen.*

*§. 4.*

*Terria causa fuit intentio Romani Pontificis. Non enim hac sua constitutione Ecclesie & Romani Imperij commodum quaesivit, non ut tempus emendaret, sed (1.) ut hoc modo paulatim*

*paulatim Romani Imperij potestatem diminueret, ad suamq; jurisdictionem traheret. (2) Ut sibi falso attributam potentiam & primatum confirmaret, ut hanc intentionem Pontificis Romani exprimit Heerbrand. in disp. de hac Materia Thes. 132. Subdole per cuniculos quasi Romanus Pontifex, irrobore, regniq; sui pomaria proferre conatur, potestatem sibi arrogans mandandi, cujus statuta sint agnoscenda ab omnibus. Quicunq; ergo Calendarium ipsius suscipiunt, illi eum pro suo Domino agnoscere videntur, & paulò post, Prasidium, hoc est, quo tentare animos Germanorum fraudulentè insituit, num ad pristinam servitutem eos retrahere posset. His igitur tanquam primariis causis politicis à personæ constituentis inhabilitate, & intentione, nec non promulgandi modo illegitimo desumptis concludimus, Calendarium hoc legitimè fuisse rejectum. Vide præter citatos Ximising, Heerbrand D. Lucam Osiandrum. Syring de Pace Religionis. concl. 32. Crani. de pace Religionis part. 1. prob. 6.<sup>1</sup> Limn. de jur. publ. l. 1. cap. 13. num. 57. Stephan. de jurisd. l. 3 part. 1. c. 3. n. 42.*

## Controversiæ.

1. Numerus non est quantitas continua. Contra Stevinum l. 2. def. 2 Arist. Gall.
2. Galaxia non est meteoron, ut Aristoteles, non compages duorum Hemispheriorum, ut Theophrastus voluit, sed congeries minutissimarum stellarum.
3. Orbes & circuli realiter in cælo non existunt.
4. Hypotheses Tyconica Prolemaicis & Copernicis merito præferuntur.
5. Ut non fuit stella naturalis, quæ magis apparuit: ita nec naturalis fuit Eclipsis, tempore mortis Christi contingens.
6. Macula in luna non à representatione montium oriuntur, sed aliam causam agnoscunt.

FINIS.

